


LETTRE
DE NOSTRE S.
PERE LE PAPE, ESCRITE
A MESSIEVRS DV CLERGE'
deputez aux Estats de ce
Royaume.

Avec la responce faicte par L. E. D.



A NOSTRE VENERABLE Frere, & nos chers & bien amez
 fils les Cardinaux de la sainte Eglise,
 & semblablement à nos venerables
 freres les Archeuesques, Euesques: com-
 me aussi à nos chers & bien-aymez fils
 les Abbez, & autres du Clergé du
 Royaume de France, assemblez & con-
 gregez aux Estats generaux d'icelle.

PAVL V. PAPE.

VENERABLE Frere & nos
 chers & bien-aymez fils,
 comme pareillement ve-
 nerables Freres & chers & tres-ay-
 mez fils salut & benediction Apo-
 stolique. Nous auons esté si trou-
 blez de la grande hardiesse de quel-
 quevns, lesquels comme nous auons
 appris, ont tásché de violer la sainte
 & sacree auctorité du Siege Aposto-
 lique, en l'assemblee publique tenuë

à Paris le 2. iour de Ianuier, que si l'assurance que nous auons certaine en l'excellente pieté & prudence de nos tres-chers Fils & Filles, le Roy Louys & la Royne Marie sa mere ne nous eust consolé: lesquels nous auons entendu auoir iusques icy soigneusement rabbatu ces attentats & entreprises si imprudentes: & aussi si n'auions confiance au zele merueilleux duquel estant embrasé, vous auez neantmoins constamment & genereusement, que sagement & pieusement résisté à vne si grande temerité, nous eussions esté saisis d'une douleur du tout insupportable. Et à la verité, ce presage nous eust esté trop en horreur, veu que (non sans cause) nous pourrions craindre que ceste flamme ne passast du miserable embrasement d'Angleterre en France, à la conflagration & combustion de toute vraie pieté & religion en ce tres Chrestien

Royaume, laquelle piété & Religio
 aydant Dieu, nous vous promettons
 receuoir toujours à l'aduenir accrois-
 sement & augmentation par la ma-
 nutention & deffense d'un Roy si
 pieux, à ce principalement nourry en
 tres-grand soin par sa tres-religieuse
 mere & vrayemēt tres-Chrestienne.
 Et dauātage, vous mesme vous y em-
 ployant diligemment, comme vous
 auez tousiours fait loüablemēt. Au
 surplus, combien que nous ne soyōs
 peu soulagez de telle esperance, si est
 ce que toute fois nous ne sommes pas
 exempts ny priuez d'affliction & fas-
 cheries : Au contraire grandement
 tourmentez : considerāt à part-nous
 en quelle tempeste si contraire & si
 grāde, auons entrepris par la dispo-
 sition & prouidence incogneue, &
 occulte de Dieu, le gouuernement de
 la Nasselle S. Pierre, craignans & re-
 doutās que, peut estre par nostre ne-

gligence, la sentine des vices ne soit
 augmentee. Et que pour cela la navi-
 gation presente ne soit tousiours da-
 uantage perilleuse, & plus difficile.
 Pour ceste cause & raison, nous re-
 courons incessammēt à implorer l'ai-
 de & secours de Dieu, lequel comme
 il a voulu que nous fussions assis en
 ceste Nassele, & que nous tinssions
 le gouuernail d'icelle sans aucun au-
 tre merite. Aussi ne pensions nous en
 rien moins qu'en cela, nous le prions
 qu'il ne permette, pēdant que les
 flots s'eslancent contre nous, & qu'ils
 s'enflent du costé du comble de la
 mer agitee, & que l'orage vient par
 derriere : neantmoins qu'il se fasse
 aucune perte d'un si fort esbranle-
 ment de ceste Nauiue. Ce pendant
 nous rendons graces infinies à sa bō-
 té immense de ce qu'au plus grand
 danger, que nous ayons esté iusques
 icy, elle nous a si à propos secouru, à

ſçauoir par voſtre tres-ſinguliere vertu, & de ce qu'elle a preueu au ſalut & conſeruation de noſtre bien aymé Royaume de France, par le conſeil, trauail & religieuſe vertu de l'Ordre Eccleſiaſtique d'iceluy: & d'autre coſté nous vous congratulons grandement, & pareillement vous louõs fort, de ce que voſtre France voit reſflorir en vous le zele, la pieté, la doctrine, & la grandeur de courage de ces Saincts Peres, S. Denys, S. Hilaire, S. Martin, S. Bernard, & des autres, la memoire deſquels eſt beniſte à cauſe de leur affection en l'hõneur de Dieu & la dignité Eccleſiaſtique: mais auſſi de ce que la ſaincte Eglise vniuerſelle de Dieu, peut recognoiſtre des Cardinaux de voſtre compagnie de telle excellence & vertu, qu'il eſt cõuenable à des merites ſi dignes de ce S. ſiege Apoſtolique: & des Eueſques, Prelats, & gens qui ont charge d'a-

mes, qui vrayement soient tous fideles
 & dignes seruiteurs de leurs Maiestez,
 veu qu'ils ont mōstré par efect qu'ils
 aiment dauātage leur gloire qu'eux
 mesmes: vrayement Pasteurs de Iesus
 Christ, lesquels n'ont redouté d'em-
 ployer leur propres vies pour le salut
 de leurs troupeaux, quād par l'effusiō
 de leur propre sang, ainsi qu'il nous a
 esté raporté, ils se sont mōstré prests
 de defendre avec vne si grāde ardeur
 & ferueur le bercail de leur Maistre:
 Asçauoir les droictz de l'Eglise, nous
 vous en louons donc grandement,
 & derechef vous en cōgratulons: car
 qui a-il de plus louable & plus digne
 de gloire que les Prestres de Dieu, en
 postposāt toute pieté humaine, ayēt
 constamment defendu la dignité de
 la saincte Eglise, & ayēt negligé leur
 propre vie pour vn zeile de deffendre
 la verité Catholique? Comme aussi
 doit-il estre reputé à tres-grāde heurt
 de

de ce qu'il est arriué qu'o a faict yn tel
 essay de vostre vertu sacerdotale, lors
 qu'il regnoit en vostre Royume, nō
 moins la pieté & religion du Roy S.
 Louys son ayeul, qui reflorit aussi en
 iceluy la memoire de son nō si plein
 de gloire. C'est pourquoy nous vous
 exhortons de tant plus, que vous per-
 sistiez tousiours de plus en plus en ce
 que vous auez si louablement com-
 mance, & Dieu semblablement pa-
 racheuera l'heur qu'il a commencé
 en vous, & recognoissez maintenant
 sa main toute puissante qui esmeut
 les cœurs des Rois qu'elle possede ad-
 mirablement: Ce pendant efforcez-
 vous ynaniement contre l'impetuo-
 sité de ceste cruelle mere, esbranlee
 par les cruels flots de la superbe hu-
 maine, & par le tourbillō de la pru-
 dence du siecle, qui est separee de la
 crainte de Dieu: Il appaisera entiere-
 ment ces tempestes esleuees, luy qui

n'a maqué d'assister ses disciples lors
 qu'ils ont vogué parmy les flots, il
 permet bien qu'on soit tenté, mais il
 tire profit de la tétation: Ayez donc
 bon courage, que la sentinelle se fait
 là hault, & que l'espion voit le com-
 bat des fiens, à fin qu'il rende à vn
 chascun la récompense digne de son
 propre travail: & celuy qui aura vail-
 lamment combatu, sera dignement
 couronné. Quant à nous qui vous
 auons tousiours porté vne tres-gran-
 de charité & dilection en Dieu, &
 comme nous vous auons tousiours
 gradement aymé, aussi faisons nous
 tres-grand estat de vostre tres-singu-
 liere vertu: Nous vous offrons tres-
 amiablement tout ce qu'en Dieu
 nous vous pouuons apporter d'ayde
 & consolation en ceste occasion, vous
 estés merueilleusemēt obligez d'vn
 si beau & si admirable faict: vœu que
 cependant nous ne laissons de prier

Dieu incessamment, qu'il daigne toujours vous conseruer & fortifier en son S. seruice, avec accroissement de sa sainte grace. Et d'autant que nous ne pouuons par escrit vous declarer assez selon nostre desir, l'affection de nostre cœur enuers vous, nous auons mandé à venerable frere Robert, Euesque de Spolette, nostre Nonce Apostolique, qu'il traicte plus amplement de bouche avec vous ce qu'il a en charge plus au long de nous, qui pareillement vous declarera plus auant, ce que nous pensons estre à propos pour paracheuer entierement ceste affaire, vous aurez d'oc mesme croyāce en tout ce qu'il vous dira qu'aurez en nous mesmes si nous parlions: Dieu vous fasse perseverer en tout bon œuvre, & conduisant tousiours vos œuvres & intentions, selon son saint plaisir, & nous vous donnons & departons

nostre benediction Apostolique ti-
rez des profonds des entrailles de
nostre charité; escrit à Rome à sain-
cte Marie Maieure, souz l'anneau du
pescheur, le dernier iour de Ianuier;
1615. & de nostre pontificat le quin-
ziesme.

Pierre Stroza

TRES-SAINCT PERE,
APRES VOVS AVOIR TRES-
humblement baisé les pieds.

IL ne faut que V. S. festonne, si en vn Royaume qui autrefois a esté si florissant en pieté. L'Eglise y est maintenant affligée par les propres enfans : l'heresie a cela de propre que non seulement elle naist & vit de diuision : mais aussi par son audace accoustumée, elle l'inspire dans les esprits des Catholiques, & les porte insensiblement à se separer de leur Mere, & oubliant le respect qu'ils luy doiuent à entreprendre sur ce qui est de sa charge & de son autorité : mais Dieu qui d'une parole sceut contenir les flots de la mer irritée, & par mesme moyen confirma la foy de ses disciples, ne dort iamais durant

ces agitations, & les sçait tellement apaiser, qu'elles reüssissent à son honneur & à sa gloire. Ainsi en est-il arriué en ceste dernière occasion, & le mal qu'on a pensé faire à l'Eglise, a produit beaucoup de bons effects. Le desplaisir que nous auons eu, voyant les Catholiques mesmes vouloir cognoistre de choses concernat la Foy, & seduits d'un zele peu consideré, resoudre des propositions dont ils ne doiuent auoir ny entreprendre aucune cognoissance que par l'auoix de leurs Pasteurs, c'est changé en contentement, quand vaincus de nos iustes remonstrances, ils ont recogneu que ceste authorité appartenoit à l'Eglise seule, & à ceux qu'elle a establis pour leur conduite: Ces ennemis pareillement ont pris par l'assistance qu'elle a receu du Roy & de la Royne sa mere, que ces puissances souveraines sont establies de Dieu pour la

15
seruir & la deffendre.

L'heureux succez de ceste affaire, doit aussi contenter V.S. & luy faire esperer que Dieu aura vn soin particulier de l'Eglise en ce Royaume, & qu'estant seruite par tant de pasteurs, & autres Euesques si capables & si affectionnez, elle surmōtera tousiours les efforts de ces ennēm̃ys; principalement du regne d'vn prince si pieux & d'vne mere, qui ayāt pour douaire le bon heur, la generosite & les vertus de son Mary, sera aussi heureuse & puissante à defendre l'Eglise qu'elle l'a esté à maintenir l'authorité de son fils, & conseruer ses subiects en paix & obeissance.

Nous sommes grandement consolez d'auoir faict chose en ceste occasion qui aye esté agreable à V.S. c'est vn excès de V. B. & du soin qu'elle a du gouuernemēt que Dieu luy a commis: qu'encore que nous

n'ayons rien faict que ce à quoy nos
charges & nostre deuoir nous obli-
gent de nous gratifier toutefois de
ce tesmoignage, pour nous rendre
plus affectionnez à y satisfaire: Nous
en remercions tres-humblement V.
S. & la supplions de continuer le soin
qu'elle a de l'Eglise en ce Royaume,
& la fauoriser tousiours de sa prote-
ction: avec laquelle nous esperons si
courageusement resister aux entre-
prises des ennemys de la Foy, qu'elles
leur seront vaines, & glorieuses à l'E-
glise.